


344  
162



始



344  
162


古香公詩鈔

744-162



古香公詩鈔

大正  
2. 3. 6  
內文



古 香 公

故從二位秋月種樹公略歴

秋月種樹古香卜號ス日向國高鍋城主秋月種任ノ三男ニシテ天保四年十月生ル幼時昌平黌ニ通學シ鹽谷宕陰ニ師事シ交ヲ安井息軒芳野金陵藤森弘菴等ニ通シ資性磊落ニシテ慷慨氣品ヲ尙ヒ又詩書ヲ能クス幕府末造徵サレテ昌平黌問所奉行タリ文久三年家兄佐渡守種殷ノ養子トナリ將軍家茂ノ侍讀ニ召レ若年寄ニ列シ此年將軍ニ從ヒテ上京シ是ニ於テ專ラ公卿志士ニ通シ專ラ國事ニ斡旋ス明治元年內國事務局參與職ニ補シテ辨官ノ事ニ轉シ從四位ニ叙シ侍讀ヲ命セラル特旨ヲ以テ紫ノ組掛緒ヲ賜ヒ公議院ノ議長ニ任ス爾後各官ニ歴任シ五年海外漫遊ヲ命セラル是ヨリ先キ尾崎三良河緒實文ノ兩氏ト謀リ華族

會館ヲ建設シテ議院法ヲ講習ス八年 天皇會館ニ親臨シ優勅  
ヲ賜フ後同館ノ書籍局變シテ第十五國立銀行ト爲ル其規模ノ  
愈々盛大ニ至リシハ種樹ノ力與リテ功多シト云フ八年元老院  
議官ニ任ス同院ノ廢止後錦鷄間祇候ヲ命セラレ廿七年貴族院  
議員ニ勅任セラル三十七年十月十六日特旨ヲ以テ從二位勳二  
等ニ叙シ瑞寶章ヲ授ケラル翌十七日遂ニ病ヲ以テ歿ス

(右勤王烈士傳中ヨリ抄録)

# 古香公詩鈔

## 五言古詩

偶感

人世如山路一下又一登一登猶未盡絕頂隔幾層  
惟風倏忽起瘴氣處々蒸梭石飛躡足荆棘刺裂膝  
予獵鷄時  
々罹此難 魍魎時邂逅豺狼或飛騰半塗不可廢廢而  
復且興

壬午十一月十三日到高鍋以舞鶴祠畔千歲

亭爲館高鍋城舊稱鶴城日州富魚  
物舊臣民來贈續々不斷

欲魚々奄至求粟々自來百物皆如意仙境眞樂哉

古香公詩鈔

一

長梅外曰  
畫不及

廣瀨昔村  
曰所欲樂  
至真極

我來住此山高臥免塵縛環屋老松多遠望似舞鶴

將探月知梅到高岡

澄澈高岡川探梅人喚船骨立癯如鶴口吟詩數篇

有似林處士有似孟浩然

月知梅在日州高岡嘗屬島津氏封內寶曆中

島津左中將巡視至于此題以詩余觀之於清

水氏宅曰香積寺前有梅大二十圍盤結如蓋

不知所植之歲蓋古代尤物也余偶過見之名

以月知作詩係之曰老龍盤屈歲寒枝遠出人

間託佛祠移植春風今歷幾當初唯有月明知

青村曰一  
結奇想餘  
韻不盡

左中將名  
光久

高岡戶長聞余至豫剗草萊設竹垣且掃民家  
同學校教員數十名爲余開宴黃昏蹈月而歸  
有此作

鐵幹凭竹垣偃臥即生根縱橫幾萬朶清香繞數村

遠望如山頂々上疑雪擁玲瓏映四面十里自崿巖

風流薩先公命名寶曆中政餘耽吟咏題句存遺蹤

哀哉今廢棄難尋香積寺維新之際  
藩命廢寺無人弔花神清標

空自賴遺愛不可忘保護勿毀枝黃昏人去後唯有

明月知

郭汾陽

梅外曰實  
景實事  
青村曰神  
氣浩々盤  
旋紙上

韓彭顯漢時李郭鳴唐代智勇雖有餘帥身或是晦  
我愛郭令公偉器本忠愛亂離無顛蹟內外且兼濟  
子婿及庶孫家內春藹々

賦得萬事皆如夢爲管公會

公是爲鴻儒素期在經國文章一代宗豈弟四方則  
禪讓寬平季譽謬多輔翼拔擢昌泰初啓沃補袞職  
世態一朝變物議忽騷然豺狼已當路帝力難幹旋  
空望北闕北宰府弄詩篇萬事皆如夢情與此句傳  
備後三郎

欲奪鳳輦去一身比長城御館春雨夜忠魂託庭櫻

足利義昭墓在日州福島北方村笑止田

義昭戰死處村名笑止田夕陽寒鴉亂無人弔墓邊

又

土埋碑字沒女蘿繞荒祠欲弔忠義烈夕陽烏聲悲

議會

神集而神議古代議會開聖朝定憲法非從海外來

山水圖

山中多獸跡嵐氣濕恠巖々缺看遠海松梢掛白帆

瓶梅

朝起換新水瓶裡插春魁瘦影橫榻外寒香落酒杯



桃

仙源知不遠舟行桃花中登岸問村路默々一漁翁

菊

秋氣開錦繡佳色映東籬折取空盈把持之欲贈誰  
陶令今不在靈均亦難期金英何所用獨笑泛酒卮

書感

九郎赴韃靼八郎據琉球英雄期遠略不安一小洲

懷歸

黑髮忽成素丹心已作灰東籬菊猶在日誦歸去來

連勝

連勝如破竹敵人心膽寒尋常一兵卒悉是鬼上官  
舊仲秋

主人興不淺南樓月照時胡床長嘯坐澹夜想元規  
但州出石人多田立德少倜儻有大志嘗論時  
務獲罪在獄中著海防雜議報國十議闢蝦夷  
策書四十餘部及出獄首唱王政復古之說旣  
而從三條公以下走長州屬澤宣嘉舉義于銀  
山兵敗西走終爲幕府所殺朝議追賞贈從四  
位予聞之端溪小硯彫古松幹背勒聖恩及枯  
骨五字係以詩祭其靈

硯水即血淚灑成憂國文時艸討賊檄又爲獻君芹  
著書獄窓月嘯咏茶溪漬應酬天下士叱咤黠鼠群  
貞如松柏節惟王事之勤惜哉半塗斃正邪久不分  
天運果流回遺績得以聞聖恩及枯骨贈位表忠勳

宿山家

梯雲數千仞登山到絕頂脚下見太陽古雪映顏冷  
日暮宿樵戶山高月光清寒風吹不斷鹿鳴三四聲

彈琴松用杜少陵病栢韻

松在日向蚊口浦蟠延數十丈枝幹着地生根  
根復起宛如長虹飲河之狀往昔源重之探

勝賦和歌此其所以得名也天明中舊藩士  
等乞澁井孝德文建碑表之近歲海颺折幹  
頓失舊觀然柯葉未改頗有烈士苦節之概  
云

日向彈琴松鬱葱如偃蓋錯落千年姿虬龍互相會  
知音源重之遺咏使人拜孝德表偉跡碑文今不壞  
惜哉巨幹折稍失規模大樵悴陵歲寒柯葉未必改  
宛似豪傑士艱難不損外平素剛堅操正直養其內  
海風今古同寂々眞可恠伯牙絕絃後世上少依賴

偶成

記得米人語學識是門閥統領貧家兒當選登金闕

乙酉十月寄日高如淵

雁足帶書來十月廿日發副以和韻詩開緘意勃々  
君云久臥病廢酒已三月噫是何恠事不能禁咄々  
欲馳車而問千里山河絕抱書唯嘆息中心痛欲裂  
我從來日向飄然有仙骨服藥體無病不川肱三折  
齡雖過五十不如君白髮君勿長臥病二豎宜斬伐  
再登高樓上更尋前日悅

乙酉歲晚

東京昨加齡日向今待春一年如流水一身奔走頻

氣欲憾天地如何爲老人今吾非古我仰天屢痛神  
一杯臘夜酒醉對梅花新

青村曰一  
氣流注悲  
歎頓變真  
是至情成  
文者結用  
經語最警

七言古詩

壬午十一月一日種英發驚風

小兒發驚風勢非尋常事蒼黃殆失錯待醫々不至  
熊膽和薑汁療方手自試開眼忽回瞻言笑且嬉戲  
一坐復顏色喜極而淚流今日益知聖語妙父母惟  
其疾之憂

恭望日向巡幸歌

天孫降臨日向州地靈人傑神蹤留  
神武天皇東征後車駕不還幾千秋  
景行天皇暫駐驛當時遺跡尙可求四民引領望巡

幸大旱雲霓情何休龍舟若向日州發豈特蒼生素  
願酬鵝戶窟映櫂溟浪霧島山輝天瓊矛

武德會歌

天瓊矛滴造國土武器之利自太古利器所向刈草  
味傳國寶劍德爲武  
神武天皇親提劍萬里東征平夷虜大八洲復歸統  
一一系萬年武可怙武乎武乎武勿弛々則國弱受  
人侮憶昔王室失武柄武門跋扈亂區宇王政復古  
武有歸威柄把握元帥府四方崩角服皇化西征一  
舉猛於虎東洋卓立誰窺覲尙武之風益可鼓

歸田歌

淵明歸去辭滿腹多不平我慕淵明事而無不平聲  
一舉歸舊土田園欲自耕搖々舟輕颺秋天波不驚  
前路三百里僮僕當歡迎松菊加繁茂撫松三徑清  
涉園足成趣話舊堪慰情日洋何浩淼霧島何崢嶸  
一醉發俚曲借樂飲如鯨君不見太古我國皆土豪  
山河割據競威名時乎革新罷武門封土一擲困經  
營割據已矣山可買又歸土豪護皇京

日向歌

日出處日向州天孫茲降誕歷々跡可求彼霧島之

屹倒挿天瓊矛天巖戶之闔天鈿女作優高千穗之  
 嶮鷓戶窟之幽某處是櫛原某處白鳥丘滿目皆神  
 域使人感不休善哉  
 神武帝東征艤堅舟波濤千萬里王化自西流君不  
 見蜂去窠蛇出穴穴不可毀窠藏蜜若言日向國不  
 振何有開關天子出

鬼神大夫歌

足利義昭密說龜山皇子欲復皇室事泄  
 其兄義教將殺之義昭西走薩人樺山某等  
 應之既而義教以千金購其首樺山粹變志

襲殺之于日向福島今海滋小林中有小祠  
 土人禱風波平安祠中藏寶劍二口即其死  
 時所佩行平之鍛此劍也鬼神來助之故號

鬼神大夫云按行平稱紀新大夫以音相近誤傳邪

鬼神大夫鬼神大夫汝為勤王徒慷慨。砥節義曾欲  
 行天誅。說龜山皇子隱結菊地氏不從家兄賊操潔  
 于秋水如何時運非東海大魚騰黑波汚黼屨一家  
 與魚朋雖逃日向國追兵日又急薩人媚將軍背約  
 猝掩襲。噫々真可悼。天道果是歟。海人建小詞。禱祀  
 似子胥。我來頽祠下。再拜觀劍欽雄志。光鑑凜々射

斗牛有同楠河州之節義

五言律詩

梅花

老樹天機早挽回一點春開花誰伯仲乘雪獨精神  
玉骨羅浮夢仙姿姑射人山中懷故友欲寄憾無因

蘭

芝蘭稱獨秀幽色役吟腸屢結騷人佩時飄鄭國香  
紫花無點穢綠葉有殊光本是山中物移來勿毀傷

馬

伏櫪多豪氣從軍有績勞成筒雙耳聳蹄鐵四蹄高  
千里風生足五花色滿毛雄姿不受御一躍萬人逃

雀

嘖々竹間雀相爭翅更忙無知鴻鵠志好伴鳳凰翔  
周武斲書瑞王祥發孝慶一枝生息足何向遠空揚

漁父

我思漁父樂泛々釣艤輕抱月深宵返携竿早曉行  
不論世途險唯喜海波平何願王侯富陶然傾酒觥

入寺

吟步忘塵俗風光逐境清巖花含夕照洞水帶春聲  
悟道身非賤入山富亦輕友交無厚薄相對說心情

山居

四圍山不斷路險似羊腸蘿月鏡光淨松風琴韻長  
濯纓清澗水停杖白雲鄉咀嚼梅花蘂新詩字々香

讀廣瀨青村壬午歲晚詩切言甲州寒氣之烈

因和其韻述我日州之暖

窓前臨大海屋後枕巖岨故老無知雪窮民不說寒  
林深猿獻果門靜鶴分餐獨坐三冬業背爐到夜闌

和廣瀨青村寄日高如淵韻青村好畫竹故第五及此

講道甲陽地先生非陸沈古文開蘊奧大岳費登臨  
畫竹胸中法撫松塵外心離居三百里相思淚沾衿

題金井金洞三岳莊次小野湖山韻



野州多國士仙史久交通留跡九河北屬眸三岳中  
臨池書入妙咏月句無窮別墅何攸樂朋來西又東

題畫松壽長坂氏老母

落落負奇氣勁容壓萬林陵風聲謾々冒雪翠沈々  
皆頌無疆壽誰知不拔心夜中海濤起谷底發龍吟

七言律詩

西征

宣戰詔傳士氣豪六師如虎義聲高忠君愛國元成  
俗破族屠身不變操皇德已收全土力清廷空絞萬  
人膏東洋向後當多事男子宜磨日本刀

逸題

夢過人生五十年無功愧我事畊田峻哉霧島山邊  
路危矣日州洋上船辛苦知爲開智助飄零却作秉  
心堅東京詩友多長逝筆硯寥々樽酒前

浪華作

訪水尋山儘慰情吟詩興向此間生門前淒切細絃  
響欄外依稀柔櫓鳴仁德廟邊烟氣起豐公祠畔日  
輪明悠然洗耳澗江潔不聽功名奔競聲

壽岡本黃石和其韻

富貴功名付垢塵形如槁木坐忘身鵬飛九萬程何  
日椿壽八千年一春醉後墜車多適意泥中曳尾得  
安神先生奚以修天福泉石烟霞好守真

清原帆山得丈山遺愛瓢用其韻賀之

龍肝鳳卵狀尤奇石丈山翁愛所遺加茂川頭花下  
醉詩仙堂裡月中嬉傳聞瓠落無爲用必竟胡盧欲

笑之委託得人彼應悅請君逃俗勿懸枝

川田靈二  
日僅々  
靜字寫  
妙圖形  
一浦梅  
風格  
青村  
中神  
字有  
神色  
字暗

五言絕句

感懷

浮雲多變化喬木幾榮萎富貴一場夢英雄唯斷碑  
湖海公卿小山林宇宙寬杜康爲好友霜雪不知寒  
田園三畝足經濟一身娛窻下四君子門前五大夫  
松竹梅爲友琴棋書養情身如避秦客久不入都城

靜岡

地形連大海夜坐聽濤聲朝起決心目芙蓉天外清  
壬午十月舟抵細島五首之二

旅亭臨海口枕上怒濤聲夜半漁舟返窻前腥氣生

雲走濤聲起月沈  
巒影退前汀紅一火  
知是有漁家

學問

杏壇傳聖道美玉幾  
研磨絳帳春風起青  
燈夜雨多

虎

高崖纔一嘯絕壑自  
生風安尾低頭處誰  
知百獸雄

偶成

春雷一聲響雨勢似  
飛沙轉瞬催斜日滿  
庭唯落花

春遊

呼客鶯聲巧撲衣花  
氣香遊春幾十里不  
覺到斜陽

山行

猿啼如有意鳥嘯豈  
無心雲起迷行路前  
村聽水音

韓信胯下圖

胯下乾坤濶堪容傑  
士身大成能忍小蠖  
屈以龍伸

到筆隨首  
意新

又曰無限  
感潭曰十  
梅字洋風  
四家頂

依田百川  
曰此實事  
詩出於先  
的切寢覺

七言絕句

東京雜吟

聖皇親政廿三年都下繁榮逐日遷烟竈四邊新闢  
 市層々華屋聳遙天  
 帝祚無疆憲法存奉遵子々又孫々寄言心醉泰西  
 者勿失從來日本魂  
 神皇即位奠檀原億萬斯年算紀元尙見朝儀示威  
 武數聲祝砲撼乾坤

西京

依然叡岳護皇基鸞駕東遷士女悲往事追懷腸欲

日實如江  
然情狀曰  
者不實際  
躬能際非  
道

古香公詩鈔

三二

斷幾人心血濺丹墀

大坂

藤吉雄圖拓浪華四通漕運宇中誇豪商鱗比聳樓  
閣龍動之榮巴里奢

神戶

久在山中獨枕肱不知世事與時升一來神戶驚心  
目燦爛連軒電氣燈

鎌倉

鎌倉形勝敵關東想看源家基業雄今日空過開府  
處白鳩飛上八幡宮

變用曰升  
字盤得大  
奇也升猶  
進也所謂  
是開進矣  
是化進少

今古興亡亦速哉鎌倉府跡獨徘徊千年事業人何  
在七里濱頭潮自來

嵐山

嵐山櫻發白雲圍脉々風通花亂飛花亂飛時還不  
惡一痕紅雨滴吟衣

墨水

武藏野跡奠皇城千古先徵都鳥名最好王孫祠外  
景挾江雲是挾江櫻

遠洲洋

船中搖動不能眠起上舵樓海接天月色波光明似

古香公詩鈔

三三

畫遠山駿嶺淡如烟

舞子濱

舞妓濱頭倚酒樓  
松青沙白望悠悠  
古來絕唱歌神句  
曉霧舟迷淡路洲

熱海

伊豆山光翠幾重  
俯看相海浪洶々  
浴餘步到溫泉寺  
跪拜藤公手植松

洋行

世界一周今始還  
瀛船直駛渺茫間  
天邊忽看白如豆  
歸客歡呼富士山

遊江島

蜃女鮫人聚作家  
村中路盡涉平沙  
吾知江島穴居跡  
洞口晝冥波作花

日向詩

境接豐肥隅薩間  
崎嶇百里路難攀  
請看日向神靈地  
古色蒼然霧島山

赴福島途中

紆餘螺徑不成行  
雲氣歸山又夕陽  
一望東南千萬里  
日洲洋即太平洋  
蹣跚半過日洲來  
二月山中暖氣回  
坂路斜通瀕海

梅在外曰余  
嘗因櫻寒山  
見梅因櫻一  
時地亦應知  
必然也一  
結實事佳  
又曰結事佳  
青句曰結事  
確名下得奇

地櫻紅梅白一時開

七浦地名奇巖海水翻粟洲祠外正黃昏今宵投宿梅

花下雨灑鶯巢一小村鶯巢村名

福島雜詩

家藏琉酒不停杯夜々江隈俚曲催舟子倔強狎風

浪自稱三度入東萊

望可愛山有感

五瀨川頭萬翠環天然險隘自成關想看壯士戰爭

跡屹立雲間可愛山

遊山影觀舟泝耳川

山嶺環圍路九回奔流觸石浪成堆苦辛誰似榜人  
業百丈牽舟泝水來

春咏

人生那得再青年醉立春風花樹前寄語同遊勿相

咲茶煙禪榻杜樊川

五更風雨捲殘芳不見輕舟繫綠楊邊上留春々不

逗一灣流水落花香

春遊

春山獨往日將斜洞口紅蒸拖彩霞人在桃花深處

住遙聞鷄犬到君家



新年海

新歲祥開自海中風波不起四融々忽觀浴日揚紅  
氣皇國旗章橫大空

癸卯二月口占

家在小蓬萊外村願同尉姥入仙源四枝雖老心無  
老擬報千年君國恩

癸卯八月有作

朝哦夜誦意悠悠魚釣鷗盟儘自由榮辱無關貴天  
爵倚欄吟望小蓬洲

十三夕

延喜秋宵月色清瑤階叡賞例新成家々宴飲幾千  
歲咲倒庋樓々上情

花時多風雨

風雨滿園櫻亂飛欲開花宴約相違人間萬事總如  
是失意常多得意稀

題源賴朝匿僵木圖

八幡公澤尙無磨一戰更觀天助多僵木容身欺勁  
敵白鳩飛躍掠人過

靜

吉野山中雪似花舞容宛轉向人誇僧徒拱手豫州

走奇策貞心誰復加

小楠公

勤王義氣跡長存如意輪堂箭鏃痕芳野春風感多  
少櫻花深處弔忠魂

咏足利義昭

嗟峨殿裡說勤王蓄髮揚兵從小倉司馬賊中一孚  
出誠忠千載有餘光

咏史

魑魅依人污帝圖乾坤晦冥幾年間憾無長策清宮  
掖南狩蒼皇吉野山

鷹山公

攻城野戰幾英雄世遠人亡跡又空發達羽州民福  
利千年不滅鷹山公

釋奠

芹香采々致虔誠忠孝傳來道統名萬古帝王尊孔  
聖六經日月仰文明

布袋贊

彌勒即布袋好飲米汁  
蘇晉長齋繡佛前是也  
指天一咲大和尚彌勒化身靈德多便腹所藏皆米  
汁風流夙入八仙歌

鍾馗

怒髮衝天眼射人百邪辟易猛如神  
唐家不用終南傑遂使妖魔據要津

西征

漠々愁雲接海低六師如虎欲征西  
誰知一將功成日十萬鬪體霑雨啼  
萬里懸軍士氣豪瘴烟癘雨不知勞  
輕身重義神州俗一系千秋聖德高

拜容堂公墓告其神靈

幾歲星霜變世形三叉寂寞舊池庭  
同遊好友皆亡去唯有秦山與竹亭

江日好  
細幼婦

和土佐人某韻

老去世間知己稀好交漁父掩柴扉  
容公墨跡壁頭掛相對朝夕淚濺衣

任元老院議官口占

青山白髮避喧嘩何料峩冠今再加  
頃刻成春還自笑將枯老木發狂花

書感

占得風花雪月權一身敢被世人牽  
請看萬物自然理魚躍深淵鳶戾天  
天運難環事易達利名不覺誤機微  
當今誰得簞瓢

樂能讀書人天下稀  
莫論蠖屈與龍伸  
豪傑由來不厭貧  
一卷著書三尺室  
文章終屬布衣身

聞青森縣演習軍士凍死

十年西役費官兵  
實戰練磨軍益精  
凍死雪中三百士  
長存經驗舉忠名

地方官更迭

一送一迎無已時  
官衙驛舍共堪悲  
前花萎去後花發  
嘆息園中結實遲

示兒種英

花木發生雨露勻  
栽培乃助滿園春  
請看衣錦歸鄉客  
悉是燈前錐股人

勵生徒

少年勿厭學程長  
前路功名不可量  
辛苦經營螢與雪  
古人貴重讀書光

以七十高齡辱 恩賜恭賦

聖世幸逢七十春  
天恩慰老及微臣  
參朝感喜何攸似  
建禮門前舞蹈人

和土方秦山韻

維三十五載壬寅  
雲氣珮聲巡紫宸  
復古以前無此

瑞至尊威武至尊仁

偶成

神洲和氣地腴肥鶴壽松年可庶幾武內大臣三百  
歲休言七十古來稀

懷亡友米津城南

七十老形猶獨存耳爲聵々眼昏々千人才子多先  
去寂寞無聞貴族門

自笑

自咲沈吟擬昔賢囊中無一好詩篇宛如纔喫桃花  
飯漫學高僧欲悟禪

櫻

滿塢芳菲桃李後三春富麗牡丹前神州本色櫻花  
似知是東風別有天

梅

謝老乾坤棋一局謫仙境界酒三杯風流別有林居  
士與鶴同遊又種梅

桃

亂山高下路東西步步尋芳任杖藜十里桃花行欲  
極遊人疑是武陵溪

牡丹

天香國色兩相誇誰比人間姚魏家  
想看洛陽全盛日無園不種牡丹花

葡萄

西風吹入滿園秋萬顆凝漿玉露稠  
吾愛獻親陳叔達唉他一斗換涼州

坐論梅漫吟

枝如龍臥勢相爭滿目梅花潔似瓊  
想看三更月沈後暗中唯有此村明

猿猴捉月圖

百尺枝頭掛一身空拳漫欲捉銀輪  
清光不入獼猴

手宛似官場捕影人

和檢事齋藤龍

官暇勿辭與我遊無爲可化日南州  
判廳門外將生草孰是風流宓子儔

和矢田部雨山韻

門前路與薩摩通屋背山連肥後中  
我輩本非平氏裔人言猶有五家風

醉題

痛飲狂歌儘自由人間到處是滄洲  
壺中何管乾坤窄欲伴劉伶作醉侯

古香公詩鈔 (終)

大正二年二月廿五日印刷  
大正二年二月廿八日發行



發行所

東京市四谷區東信濃町九番地  
振替口座東京貳壹參六六番

編者

東京市四谷區東信濃町九番地  
田村化三郎

發行者

東京市四谷區東信濃町九番地  
長岡藤三郎

印刷人

東京市芝區新錢座町十番地  
上田鑑二

印刷所

東京市芝區新錢座町十番地  
近藤商店活版部

健友社

電話番町四四五八番

古香公詩鈔  
定價六拾錢

344  
162



終